

ACADEMICORUM, ET SCEPTICORUM
PHILOSOPHIÆ RATIONEM

non esse in Physica omnino repudiandam,

O R A T I O

JO. ANTONII VULPII

PUBLICI PHILOSOPHIÆ PROFESSORIS

H A B I T A

IN GYMNASIO PATAVINO

VIII. IDUS NOVEMBRIS, ANNO A V. P.

CICIDCCXXVIII.



PATAV. CICIDCCXXXII.

EXCUDERAT JOSEPHUS COMINUS.

Superiorum permisit.

VIRO ILLUSTRISS. ATQUE EXCELLENTISS.
ALOYSIO PISANO

E Q U I T I,
ÆDIS D. MARCI PROCURATORI,
TRIUMVIRO ACADEMIÆ PATAVINÆ
C U R A N D Æ,

Joannes Antonius Vulpus S. P. D.



UÆ me causſæ impulerint,
ut Orationem hanc meam,
liberam profecto, & a vul-
gi auribus abhorrentem, qua non inſcitiae vel
ignaviae patrocinium ſuſcepi, ſed nimiam tan-
tummodo ſcientiae fiduciam cohibere ac re-
tunde-

E P I S T O L A.

tundere studui ; Tuo potissimum Nomine ,
 ALOYSI PISANE Senator Amplissime , in-
 signitam edere ausus fuerim , paucis exponam .
 Audieram a viris gravibus , & quotidiana ex-
 perientia confirmari videbam , TE , bono Im-
 mortalis Reipublicæ natum , plura præstare sem-
 per , quam polliceri , neque inanium verborum
 strepitu , sed illustrium factorum splendore de-
 lectari : propterea non alienum Tua Dignitate
 futurum existimavi , si eorum Philosophorum
 defensionem ad TE deferrem , qui cum inge-
 nii humani imbecillitatem , in rebus præsertim
 Physicis , & agnoscant , & libenter fateantur ,
 nihil magnum promittentes , id tamen agunt ,
 quod mihi multo pulcherrimum videtur , ut
 errores & opinionum fallacias omni ope & con-
 tentione devitent . Ad hanc singularem causam
 aliæ magis communes accesserunt . Cogita-
 bam scilicet , TE una cum Sapientissimis
 Triumviris Collegis Tuis Gymnasio Patavino
 consulere , ac dare operam ut id omnibus or-
 namentis abundet : eosque in primis homines
 præmiis

E P I S T O L A.

præmiis & beneficiis complecti, qui non voce solum, sed monumentis etiam litterarum famam ejus apud exteras nationes amplificare ac propagare numquam cessant. Quamquam igitur scripta mea, pusilla & humilia, usque ad seram posteritatem victura esse non sperem; TE tamen otii mei rationem accipere velim: TE, si non ingenium, at saltem laborem, diligentiam, & conatus meos judicio & suffragio Tuo gravissimo comprobare. Deinde testimonium aliquod exstare cupio, ex quo intelligi possit, quanti faciam humanitatem illam Tuam, probitatem, liberalitatem, animi constantiam secundis & adversis rebus spectatam; Nobiles item Legationes, quas olim pro Patria magnificentissime obivisti: quantum CAROLI Fratris tui, Summi Viri, Ædis D. MARCI Procuratoris, novam dignitatem, veteremque gloriam suspiciam: quantum PISANÆ Genti, antiquitate, honoribus, opibus, virtute militari, civili prudentia florentissimæ, a me jure tribuatur. Quæ si recensere singula aggrediar,

EPISTOLÆ.

diar, ineptus fortasse videar: satis enim lucent ipsa per se, atque in orbis terræ theatro maxima celebritate versantur. Quod igitur unum superest, id ab Immortali Deo precabor, ut quæcumque in posterum sapienter deliberabis, ea TIBI fauste ac feliciter eveniant. Vale, Patavio. Kalendis Decembribus Anno a V. P. cōlcccxxxii.

ACA-



ACADEMICORUM, ET SCEPTICORUM
PHILOSOPHIÆ RATIONEM

non esse in Physica omnino repudiandam.

O R A T I O.



UOD felix faustumque sit,
eam aggredimur hoc anno
disputationem, quæ tum ar-
gumenti dignitate, tum re-
rum copia & obscuritate ce-
teris locis omnibus longe
antecellit qui in philosophia
tractari solent. Nimirum de

Anima dicturi sumus; cujus naturam origine pe-
nitus abditam, vi & effectû satis illustrem, phi-
losophi fere omnes ad hanc diem explicare co-
nati, plurimis laboribus, maximis ingeniis vel
nihil, vel parum admodum profecerunt. Nam
si quid hominem scientiæ gloria ferocem eo de-
mittere potest, ut imbecillitatem suam atque

A

in-

inseitiam fateatur, id præcipue potest, quod rem sibi conjunctissimam, qua vivit, sentit, cognoscit, dijudicat, immo potiorē sui partem, vehementer ignoret. Neque vero eorum philosophorum temeritati levitatique coercendæ ac reprimendæ, quos, veterem Græciam secuti, (1) *δωγματικὸς* appellamus, præstantius ullum remedium est, si modo sanabili morbo laborant, quam si cogitare voluerint, tantam inter ipsos de Sensuum Animique natura dissensionem, apertissimum contra ipsorum decreta testimonium dicere. Cum enim pro sententia cujus patrociniū semel susceperunt, tamquam pro mœnibus & liberis, singulæ eorum familiæ cum adversariis manus conferunt; neque tamen illos æque contumaces, & paribus rationum momentis innixos de gradu dejicere, aut ad se traducere possunt: ostendunt vel inviti, nullam esse in rebus hujusmodi certam judicandi assentiendique notam, qua verum a falso internoscatur. Clamant quidem sæpius, (2) veritatem se invenisse., aliosque reprehendunt, quos in tenebris

ver-

(1) *δωγματικὸς* appellamus] Diogenes Laërtius in præmio Vitætarum : ἤν δ' φιλοσοφῶν, οἱ μὲν γινώσκοντες ΔΟΓΜΑΤΙΚΟΙ, οἱ δ' ΕΦΕΚΤΙΚΟΙ. *δωγματικοὶ* μὲν, ὅσοι ἀπὸ τῶν ἀγαθῶν νόθοι αἰσθάνονται, ὡς κατὰ λατρίαν· ἐφεκτικοὶ δ', ὅσοι ἐπὶ χυνοῖς ἀπὸ αὐτῶν, ὡς ἀκαταλάττωον. h. e. Jam vero philosophorum aliqui decretis nituntur, alii ab assensu sustinendo nominantur. Decreta quidem habent hi, qui ita res enuntiant, ac si comprehendi possint: sustinent autem assensum hi, qui quasi nihil comprehendi possit, ita de omnibus rebus assensum sustinent.

(2) Clamant quidem sæpius, veritatem se invenisse] Sextus Empiricus Pyrrhon. hypotypol. lib. 1. cap. 14. *φίλιπποι τινες ὄντες οἱ δωγ-*

ματι-

(III)

versari, & a recta philosophandi via nimium aberrare arbitrantur: sed cum idem sit omnium clamor, par jactatio, eadem in omnes convicia, incertus animi pendeas, quibus potissimum te adjungas: & postquam singulas opiniones cognoveris, ex incerto incertior fias. Quoniam vero decipi, sapientiæ studium professio valde inhonestum est; turpissimum, in errore deprehendi; propterea bis peccant; & quod rebus incognitis, tamquam cognitis, fidem habentes, in errorem facile inducuntur, & quod domesticorum tantummodo suffragiis probati, quin a ceteris omnibus hebetes, inepti, insani denique vocentur, non laborant. Quæ sane incommoda nullo negotio devitarent, nisi, naturam hominis plus æquo admirati, in sensibus & mentis acie eam facultatem reponerent; qua & veritatem assequi se, & ingentium Dei operum consilium atque rationem penitus intelligere posse confidunt. Enimvero non negaverim, a Deo Optimo Maximo egregii muneris loco vim cogitandi homini tributam esse: qua maxime distamus a feris, qua virtutem, & quæ ex virtute apta est, felicitatem adipiscimur, (1) qua privatas publicasque res optime administramus, qua

A 2. no-

ματινοί, καὶ δὲν τῶ ἄλλων ἀνθρώπων ἰσχυρὸς ἀποκρίνεται ἐν τῇ κρίσει ἢ τῷ ἀγαθώτερον. h. c. Sibi placentes dogmatici se aliis hominibus in rebus judicandis preferendos esse dicunt.

(1) Qua privatas publicasque res optime administramus } Idem Sex. Empiricus Pyrrhon. hypotypof. lib. 1. cap. 22. ἀπὸν δὲ (ὁ μὲν) τὸ

ἴμα-

nostræ nostrorumque saluti consulimus : at neque facile concesserim , posse nos , quamdiu corporis contubernio utimur , & cum perturbationibus luctamur , hoc tantulo ingenio ita verum videre , ut nusquam labamur , nihil opinemur , nulla veri similitudine illudamur . Laudet Epicurus , quantum volet , sensus : rerum judicia in ipsis ponat : contendat etiam , si diis placet , ubi semel aliquid falsi pro vero sensibus probatum sit , jam omne discrimen veri & falsi sublatum esse : (1) Democrito tandem irascatur , a quo pleraque sumsit ; quod homo eruditus , & geometriæ peritissimus , Solem multis partibus terra majorem esse dixerit : ipse enim bipedalem censet , nempe tantum fere , quantus videatur . Accedant reliqui dogmatici , minus insanientes quam Epicurus ; copias omnes contrahant , ut integros incorruptosque sensus , admoni-

ni-

ἐμπόριος τι ἔ' ἀποδείξας κατὰ τὰς κοινὰς ταύτης τι ἔ' ἀποδείξας ἔστι , ἀλλ' ὅτι ἐν δογματικῇ θεωρίᾳ ἔ' μάλιστα ἴξω ὁ βιωτικὸς χρόνος λιγυμύθων ἐπιχρύσις . i. e. Sufficit itaque , ut arbitror , cum experientia usum parva , & ita ut dogma nullum statuamus , secundum communes observationes , & preoccupatas in animis hominum opiniones , vitam degere : de iis vero quæ ex dogmatica curiositate dicuntur , & quidem nullam vitæ communi utilitatem afferunt , assensum retinere . Cum Sexto concinit M. Tullius in Lucullo , his verbis : Itaque & sensibus probanda multa sunt . Teneatur modo illud , non inesse in his quicquam tale , quale non etiam falsum nihil ab eo differens esse possit . Sic quicquid acciderit specie probabile ; si nihil se offerret quod sit probabilitati illi contrarium ; utetur eo sapiens , ac sic omnis ratio vitæ gubernabitur . Etenim is quoque qui e vobis sapiens inducitur , multa sequitur probabilia , non comprehensa , neque percepta , neque assensa , sed similia veri : quæ nisi probet , omnis vitæ tollatur .

(1) Democrito tandem] Lege Ciceronem libro 1. de Finibus .

(V)

nitamque ab iis rationem, summos veritatis disceptatores ac iudices esse defendant: ego interea, quod ingenii mei tarditatem probe agnoscam, hisce naturæ interpretibus hodierno die valere iussis, ad Academicos & Scepticos, non transfuga, sed speculator, parumper divertam, suspiciosum, at minime pertinax philosophorum genus; qui multa de re qualibet in utramque partem disputantes, vix quicquam statuere aut affirmare audent: satisque sibi placent cum aliqua probabilia invenerunt, quæ sequantur, & quorum ope vitam regant: alieno siquidem periculo docti, nihil magis cavent, quam ne fallantur, aut fallant. Date mihi hanc veniam, obsecro, Auditores, ut hodierna luce eorum hominum temeritatem atque arrogantiam non ferendam, qui rerum sublimium atque occultissimarum numeris omnibus absolutam cognitionem profitentur, cum aliorum gravitate ac prudentia comparem, qui, solum Deum sapientem arbitrati, veri comprehensionem ab homine tollunt, eumque rebus commentitiis, cujusmodi sunt pleraque decreta philosophorum, temere assentiri vetant. Non id autem nobis propositum est, ut oratione hac nostra, e doctissimorum virorum fontibus hausta, physicas quæstiones exterminari oportere doceamus; quod & per se absurdum esset, & muneri nostro contrarium: verum, ut bona spe adolescentes, a sophistarum præstigiis expeditos, in viam solidæ
cru-

eruditionis deducamus; ne deinceps ullius auctoritate frangantur, sed libero judicio usi, omnium opiniones cognoscant, de omnibus dubitent, sequantur probabiliora; ac demum, quod M. Cicero solebat, (1) *et refellere sine pertinacia; et refelli sine iracundia parati sint.*

Veteres igitur Physici, quorum vestigiis plurimi etiam recentiorum insistant, neque naturæ obscuritate, neque rerum cognoscendarum multitudine, neque sensuum ac mentis angustiis deterriti; putaverunt, in homine eam facultatem sitam esse, ut non solum in vita communi, sed etiam in causis quibus rerum universitas continetur, industria & labore adhibito, quid verissimum esset, eruere, atque invenire posset. Speraverunt scilicet id quod optabant; & cum se discendi quærendique delectationi toto animo dedidissent; hujusque gratia, omnia quæ vulgus permagni æstimat, contempsissent, visi sunt sibi uberrimum vigiliarum & duritiæ fructum retulisse, veritatis inventionem. Unusquisque propterea, quæ privatim cogitaverat, in medium proferebat: & quamquam inter ipsos nulla esset opinionum & sententiarum concordia, ea tamen re non admonebantur, ut humanam infirmitatem reputantes, ingenio suo diffidere inciperent: sed (2) tamquam concilio Jovis interfuis-

sent,

(1) Tuscul. Quæst. lib. 2.

(2) *Tamquam concilio Jovis interfuisent*] Cicero lib. 1. de Natura deorum: *Tum Vellejus fidenter sane, ut solent isti, nihil tam verens,*

(VII)

sens, ita de rerum principiis, de cæli natura & proprietatibus, de stellarum magnitudine, de facto, de diis immortalibus apud imperitum vulgus differebant. Quapropter Epicurus ille, qui, naturæ arcana a se penitus inspecta, magnifice gloriabatur, ita describitur a Lucretio lib.

1. V. 69.

*Quem nec fama deum, nec fulmina, nec minitanti
Murmure compressit calum, sed eo magis acrem
Virtutem irritat animi, confringere ut arcta
Natura primus portarum claustra cupiret.*

*Ergo vir-vida vis animi pervicit, & extra
Processit longe flammantia mania mundi:
Atque Omne immensum peragravit mente, animoque:
Unde refert nobis victor quid possit oriri,
Quid nequeat; finita potestas denique cuique
Quanam sit ratione, atque alte terminus herens.*

Ut igitur ad hominem ex longinqua peregrinatione domum reversum amicorum concursus fieri solent; ex quo nimirum situs urbium, fluminum opportunitates, animalium & stirpium varietatem, templorum ædiumque privatarum speciem, populorum mores, mulierum formas, & id

rens, quam ne dubitare aliqua de re videretur: tamquam modo ex deorum concilio, & ex Epicuri intermundiis descendisset; Audite, inquit, &c. Horatius Ode 25. lib. 3. quibus

Antris egregii Caesaris audiat

Eternum meditans decus

Stellis inferere, & concilio Jovis?

Hujusmodi philosophos Aristophanes ἐν νηϊδῶν v. 225. ἀποβατῶντες appellat, Socratem ipsum de se ita loquentem inducens: ἀποβατῶν, & ἀερόπῳ ἢ ἑλνῶν. in aere incedo, & Solem sic intior.

(VIII)

& id genus alia cupidissime sciscitantur; ita philosophos e cæli regionibus nuper ad terram delapsos, vel potius edormientes, juvenus adibat, interrogatura, (1) quæ Lunam gentes incoherent, quod pondus astrorum, quæ figura esset, qui planetarum ordo inter se. utrum sidera inerrantia, quemadmodum in aqua pisces, per tenuissimum ætherem suo motu ferrentur, an ab ipso cælo circumacta & orirentur, & occiderent: mundusne conversione sua concentum ederet; atque utrum finibus contineretur, ane omnino interminatus esset. Ad quæ omnia viri sapientes, ore durissimo, contractoque supercilio statim respondebant, ita rem quamque definientes, ut discipulis auctoritate commotis omnem

(1) *Quæ Lunam gentes incoherent*] Lunam, & stellas reliquas, perinde ac tellurem nostram, incolæ & habitari, plurimi veterum opinati sunt; Orpheus in primis, & Pythagorei Ocellus Lucanus, Philolaus Crotoniates, Nicetas Syraculius, Oecetes, Empedocles: tum Anaximander, Anaximenes, Anaxagoras, Aristarchus, Archelaus, Anaxarchus, Xenophanes, Democritus, Heraclitus, Metrodorus Chius, Leucippus, Epicurus, & eum secutus Metrodorus Lampfacenus; Diogenes Apolloniates, Zeno Eleates, Seleucus, Plato, & e Platoniorum grege non pauci: ut satis constat ex Aristotele, Diogene Laertio, Plutarcho, Eliano, M. Tullio, Alexandro Aphrodisæo, Irenæo, Augustino, Hieronymo, Theodorito, Joanne Stobæo, Simplicio, Philopono, Suida, & aliis. Nonnullis etiam recentiorum (serio ne an joco, non facile dictum est) hanc doctrinam tueri placuit: in quibus numerantur Nicolaus Cusanus, Jordanus Brunus, Tycho Brahe, Thomas Campanella, Guilelmus Gilbertus, Renatus Cartesius, ejusque sectatores: præterea Keplerus, Galilæus, David Fabricius, Gassendus, Huygenius, Robertus Flud, Nevvtonus, Burnettus, Bælius, Lockius, Fontenellius, & alii; de quibus consule, si libet, virum celeberrimum Jo. Albertum Fabricium Bibliothecæ Græcæ lib. 1. cap. 20.

(IX)

mnem contradicendi libertatem eriperent. Quos autem ab ipsis dissentire cognovissent, hos in physicis plane plumbeos, & ludibria verius, quam philosophos esse affirmabant. Videtis, nisi fallor, Auditores, confidentiam hominum atque audaciam: cujus utinam hoc nostro tempore sublatum esset exemplum. Occurrunt enim in plateis, in tabernis, in angiportis, qui, quasi conjuratione facta, suo quodam jure sapientiam vindicent; (1) *qui esse primos se omnium rerum vellent, nec sunt*; qui nihil metuunt magis, quam ne aliquid nescire, aut ulla de re dubitare existimentur. A quorum quidem consuetudine me vehementer abhorreere non dissimulabo; id enim mihi persuasi, præclare actum iri nobiscum qui philosophiæ studiis delectamur, si in tanta rerum caligine, judiciorumque imbecillitate, vel exiguam veri scintillam umquam eliciamus, quod extra opinionum aleam positum sit, & quod labefactari disputando non possit. De vero enim hujusmodi, consensus esse debet non vulgi, sed eorum qui sapientes habentur. id enim tantummodo verum fuerit quod sanis & cordatis omnibus videbitur. Nam si quod tu verum arguis, ille falsum ostendat: si utraque sententia probabilibus argumentis fulta sit: cur tibi, quæso, de veritatis inventionem blandiaris? cur fidem facere postules? cur tibi impudenter arroses, qua de re litem alius intendit, homo

B

per-

(1) *Qui esse primos se*] Terentius Eunuch. A. 2. Sc. 2. v. 17.

perinde ac tu , & liber , & sanus , & philosophus ?

At unam modo rem in physicis mihi monstrari velim , de qua omnium philosophorum idem sit iudicium , constans , atque perpetuum . Quid motu evidentius , quid illustrius , quid magis exploratum , si sensus in consilium adhibeas ? videmus enim , stellas inerrantes atque planetas assidua rapi vertigine ; litora æstu maris reciproco modo contegi , modo nudari ; plantas adolescere , atque a minimo semine in altitudinem tolli ; animalia omnis generis hac & illac vagari , ut sibi cibum & latibulum quærant ; denique nihil usquam consistere : inventus tamen est Zeno Eleates , vir acutus , (1) qui motum aut esse , aut esse posse pernegaret : quique ~~ἡγεμονία~~ hoc suum iis argumentis muniret quæ inexplicabilia viderentur . Zenoni autem consenserunt (2) Parmenides atque Melissus , non infimæ classis philosophi , qui docuerunt , Id omne quod esset , unum esse , motus etiam ac mutationis expers : præterea (3) Diodorus Cronus .

Commune Peripateticorum decretum est , Omnia in rerum universitate corpora ita conferta & stipata esse , ut nullus Inani locus relinquatur : Peripateticis de hac re suffragatur Cartesius . Democritus contra , eumque secutus Epicurus omni ope

(1) Vide Aristotelem lib. 6. Physicorum cap. 9.

(2) *Parmenides atque Melissus*] Hujus rei testis locuples Aristoteles Physicorum lib. 1. capp. 3. & 4.

(3) *Diodorus Cronus*] Id tradit Sex. Empiricus Pyrrhon. hypotyp. lib. 3. cap. 8.

ope Inane defendunt; ajunt enim, Sublato Inani e rerum natura, motum quoque funditus interire. Utraque conclusio validissimis rationibus confirmatur: neutra tamen vim adversariorum sustinere potest: neque satis apparet, quæ potissimum eligenda, quæ rejicienda sit.

Jam ad alia transeamus. Philosophi quidam Galli, excellenti ingenio atque doctrina, præsertim vero scriptor celeberrimus qui Artem Cogitandi monumentis litterarum mandavit, id tamquam certissimum *dogma* ponunt; Doloris, voluptatis, sitis, famis, reliquarum item cupiditarum affectionumque nostrarum in animis consignatas notiones, quas ipsi *ideas* appellare amant, obscuras esse atque confusas; cujus etiam rei causas diligenter persequuntur. Quid ad hæc Cyrenaici præceptore Aristippo? Hi nimirum, si (1) M. Tullium audimus, testem idoneum, tantum ab hac sententia abhorrebant, ut contra, Ea se sola percipere dicerent quæ tactu intimo sentirent, dolorem videlicet ac voluptatem: in quo tactu solo putabant veri esse judicium, quia

B 2 fen-

(1) Si M. Tullium audimus] Ejus verba sunt in Lucullo : *Quid de tactu, & eo quidem quem philosophi interiorem vocant, aut doloris, aut voluptatis? in quo Cyrenaici solo putant veri esse judicium, quia sentiatur. Potestne igitur quisquam dicere, inter eum qui doleat, & inter eum qui in voluptate sit, nihil interesse? aut, ita qui sentiat, non apertissime insanias? & alio ejusdem libri loco: Quid Cyreni videntur, minime contemti philosophi? qui negant esse quicquam quod percipi possit extrinsecus: ea se sola percipere qua tactu intimo sentiant, ut dolorem, & voluptatem: neque se, quo quid colore, aut quo sono sit, scire, sed tantum sentire, affici se quodammodo.*

sentiretur: negabant autem esse quicquam quod percipi posset extrinsecus. Ipsi quoque (1) Pyrrhonii, qui de rebus obscuris nullum decretum ponebant, sensui tamen caloris & frigoris, & harum similibus affectionibus, tamquam per se cognitis, assentiebantur.

Claudius Galenus, vir profecto maximus, neque solum medicinæ, verum etiam omnis liberalis doctrinæ studiis florentissimus; quem aridi & pusilli homunciones, a solida eruditione prorsus imparati, & (2) *rem compacto agentes, quasi in Velabro olearii*, hoc nostro tempore adeo contemnunt; libros de Ufu Partium humani corporis, pulcherrimos atque utilissimos conscripsit: in quibus (3) Dei providentiam extollit, quæ cum alias mundi partes, tum præcipue singula hominis membra admirabili plane sapientia, incredibilique sollertia molita sit. Quemadmodum vero Galenus hanc pietatem (4) e Stoicorum libris hauserat; ita ple-

(1) Pyrrhonii] Sex. Empiricus Pyrrh. hypotyp. lib. 1. cap. 7. οὐκ ἔστι γὰρ κατὰ φαινομένων κατανύκασιν αἰσθητὴν εὐγνωμοσύνην ἢ Σκεπτικὴν εἶναι, ὡς αὖ ἔπειτα διαμαρτυροῦντο ἢ ὑπομνήσκονται, ὅτι δὲν μὴ διαμαρτυροῦντο ἢ ὑπομνήσκονται. i. e. Scepticus iis quibus per phantasiam cogitur affici, assentitur. Exempli gratia, quum calefit, aut frigeſcit, nequaquam dixerit, Puto me non caleſcere, aut frigeſcere. Porro, quo potissimum differret Cyrenaicorum opinio a Scepticorum doctrina, ostendit idem Sextus cap. 31. ejusdem 1. libri.

(2) *Rem compacto agentes*] Plautus Captiveis A. 3. Sc. 1. v. 29.

(3) *Dei providentiam extollit*] Isaacus Casaubonus Epist. 258. Galenum, inquit, vocari ἄλιον miror, virum tam assiduum in sapientia Dei predicandâ. Ego illum eo maxime nomine dignum laude, & æterna predicatione semper judicavi.

(4) *E Stoicorum libris*] Vide Ciceronem lib. 2. de Natura deorum, & lib. 3. de Finibus B. & M.

(XIII)

rosque Anatomen profectos astipulatores habuit.
Sed ecce tibi somniorum amator Epicurus, qui
hæc minime probet, neque se ineptire, sed e-
gregie sapere arbitretur, cum docet, (1) Non
esse oculos, aures, linguam, manus, crura, pe-
des, & ea quæ sunt intus in corpore, propter
eo-

(1) Non esse oculos, aures, &c.] Absurdam hanc Epicuri doctrinam ita exponit Lucretius lib. 4. v. 821.

*Istud in his rebus vitium vehementer, & istum
Effugere errorem, vitareque præmeditator,
Lumina ne facias oculorum clara creata,
Prospicere ut possimus; & ut proferre vias
Proceros passus, ideo fastigia posse
Surarum, ac feminum pedibus fundata plicari:
Brachia tum porro validis ex apta lacertis
Esse, manusque datas utraque a parte ministras,
Ut facere ad vitam possimus, quæ foret usus.
Cetera de genere hoc, inter-quæcumque-pretantur,
Omnia perversa præpostera sunt ratione.
Nil adeo quoniam natum est in corpore, ut uti
Possemus, sed quod natum est, id procreat usum:
Nec fuit ante videre oculorum lumina nata;
Nec dictis orare prius, quam lingua creata est:
Sed potius longe lingua præcessit origo
Sermonem: multoque creata sunt prius aures,
Quam sonus est auditus: & omnia denique membra
Ante fuere, (ut opinor) eorum quam foret usus.
Haud igitur potuere utendi crescere causa.*

*At contra conferre manu certamina pugna,
Et lacerare artus, sedareque membra cruore,
Ante fuit multo, quam lucida tela volarent.
Et vulnus vitare prius natura coegit,
Quam daret obiectum parmae Leva per artem.
Scilicet & fessum corpus mandare quieti
Multo antiquius est, quam lecti mollia strata.
Et sedare sitim prius est, quam pocula, natum.
Hæc igitur poscens utendi cognita causa
Credier, ex usu quæ sunt vitæque reperiæ.
Illa quidem seorsum sunt omnia, quæ prius ipsa*

Nata,

(XIV)

corum usum a diis immortalibus homini tributa : quoniam scilicet hujusmodi membra prius nata sint , quam esset usus videndi , audiendi , loquendi , contrectandi , ambulandi , atque spirandi : sed potius , cum corpus humanum (ut reliqua omnia , ipsius Epicuri iudicio) fortuito atomorum concursu effectum esset , invenisse postea homines membrorum usum , quæ ipsis nullo deorum consilio aut beneficio contigissent. Adversus quod opinionis portentum plura disputat Christianus auctor Lactantius in libro de Opificio Dei.

Nihil autem magis miremini , Auditores , quam quod idem Epicurus Geometriam , Græcorum ingeniis tantopere excultam , summoque in honore apud ipsos semper habitam , omnino contemserit ; quod scilicet geometricas rationes , quæ non persuadent , sed vim afferunt in docendo , a falsis initiis profectas diceret . Tanta vero fuit hominis auctoritas (incertum quibus artibus comparata ; neque enim aut eloquentia , aut subtilitate differendi valebat) ut (1) Polyænum , familiarem suum , magnum mathematicum , in eandem sententiam secum trahere potuerit , ut eum temporis quod in hujusmodi studium sum-

Nata , dedere sua post notitiam utilitatis :

Quo genere in primis sensus , & membra videmus .

Quare etiam atque etiam procul est , ut credere possis ,

Utilitatis ob officium potuisse creari .

(1) Polyænum] Cicero in Lucullo : Quid Polyænus , qui magnus mathematicus fuisse dicitur ? is posteaquam Epicuro assentiens totam geometriam esse falsam credidit , num illa etiam qua sciebat , oblitus est

(XV)

sumsisset, pœniteret. Porro id Epicuro cum Pyrrhoniis philosophis commune erat; quorum argumenta ad Geometriam evertendam collegit atque explicavit Sextus Empiricus libro 3. adversus Mathematicos.

Dies me deficeret, si ea singillatim persequi oratione vellem quæ cum a nonnullis philosophorum vera ac manifesta judicata fuissent, aliis tamen æque doctis dubia, falsa, inepta, ridicula visa sunt. Quod pulchre Lucianus ille Samosatensis duobus versiculis comprehendit:

Οὐδὲν γὰρ ἀνθρώποις ὁρκεῖσθαι ἐστὶ νόημα *

Ἀλλ' ὃ σὺ θαυμάζεις, τῶν ἱερέων γίγνεται.

scilicet:

Haud in confesso est placitum mortalibus ullum:

Sed tibi quod mirum est, ridiculum est aliis.

Cum igitur tam facile contingat, homines hallucinari, dum sibi quisque favet in cogitando, & sua nimis amplexatur atque osculatur; non injuria (1) M. Tullius Clitomacho credidit scribenti, *Herculis quemdam laborem exantlatum a Carneade*, novæ Academiæ principe, a quo ipse Clitomachus fuerat institutus, *quod ut feram & immanem belluam, sic ex animis nostris assensionem, idest opinionem, & temeritatem extraxisset*. Jam enim tempus est, ut Dogmaticorum vanitate satis considerata, ad Academicos & Scepticos veniamus.

Academia originem duxit a Socrate, qui, ut sophistas errore inflatos, & omnium rerum scientiam

(1) In Lucullo.

(XVI)

tiam profectos, urbane retunderet, Id solum se scire affirmabat, (1) nullam rem sibi cognitam esse. *Ideo dictus ἄνθρωπος*, teste Quintiliano Institut. Orator. lib. 9. cap. 2. *idest agens imperitum, & admirator aliorum, tamquam sapientum*. Porro cum hæc inscitiae confessio philosophis a Socratis disciplina profectis minus placuisset, ac diu sine honore jacuisset, Arcesilam tandem, sive Arcesilaum, Pitaneum ex Æolide, acerrimo ingenio virum, defensorem invenit. Hic vero (2) ne illud quidem, quod unum fuerat a Socrate exceptum, certo sciri posse aiebat, Nos videlicet nihil scire. Tantis enim tenebris mentem hominis obsitam & circumfusam esse, ut vim suam penitus ignoraret, ac etiamsi forte fortuna in verum incideret, tamen, illud verum esse, minime asseverare posset: quod nimirum nulla esset propria veri & falsi nota. Adversus omnium opiniones disputabat: & , cum vera sustulisset, veri-

(1) *Nullam rem*] Ex earum puta rerum genere de quibus Philosophi disputare solent. Nam ceteroqui multa feruntur Socratis præcepta Ethica, Oeconomica, Politica.

(2) *Ne illud quidem &c.*] Neque secum ipse pugnabat Arcesilas hac enuntiatione: non enim id ponebat tamquam δόγμα firmum, & stabile, quod omnem contradicendi libertatem tolleret; sed potius tamquam ἀδωπηίου πάθος ἀπαγγελίας, i. e. affectionis humane significationem; quod nimirum sibi videretur, nos nihil scire; ne illud quidem scire nos, *nos nihil scire*. Porro hujusmodi pronuntiata, ut & omnes Scepticorum voces assensum tollentes, non inepte comparat Sex. Empiricus lib. 1. Pyrrh. hypotyp. cap. 28. cum medicamentis vim purgandi habentibus, quæ ὡς μόνον τὸς χυμοῖς ὑπὲρμαρῶν τὸ σώματι, ἀλλὰ & ἑαυτοῖς τῶς χυμοῖς συνίσταται. non solum humores corpore extrahunt, sed etiam semetipsa cum humoribus expellunt.

(XVII)

verisimilia & probabilia inducebat, quibus perinde in vita atque in philosophia utebatur. Ab (1) Arcefilæ successoribus hanc de rebus omnibus dubitandi consuetudinem, quasi per manus traditam, Carneades accepit: ab eoque novis cogitatis emendata & aucta, postremo ad Philonem atque Antiochum pervenit. Scholæ vero faciem Antiochus non parum immutavit, qui cum veterem Academiam, ut fuerat a Socrate instituta, se instauraturum polliceretur, in Stoicorum decretis, quorum assiduo convicio premebatur, tandem acquievit. Hinc inusitata quædam, & sui prius dissimilis Academia prodiit, tamquam (2)

Diversum confusa genus panthera camelo.

Hactenus de Academicis: jam de Pyrrhoniis, quos & Scepticos vocant, nonnulla dicamus: Pyrrhonorum secta nomen & originem debet Pyrrhoni Eleo Plistarchi filio, qui, e pictore philosophus, Drysone primum, seu potius Brysone, ut contendit Menagius ad Diogenem Laertium, deinde Anaxarcho Abderite præceptore usus est. Sed eorum postea, & quorumlibet dogmaticorum auctoritate contempta, nihil certo sciri posse affirmavit, & in utramque partem de omni re proposita disputare instituit: neque hoc tamen ipsum tamquam plane certum docuit, neque in vita communi Scepticum egit (quod aliqui falso tradide-

C

(1) *Arcefila successoribus*] Arcefilam audivit Lacydes, Lacydem Evander, Evandrum Egelinus, qui Carneadis magister fuit. Testes Diogenes Laertius, & Cicero in Academicis Quæstionibus.

(2) Horatius Epist. 1. lib. 2. v. 195.

diderunt) ; sed legibus & consuetudinibus patriis obtemperans, vitam ad ultimam senectutem tranquille ac suaviter produxit. Ab ejus disciplina profecti sunt Timon Phliasius, qui cum alia plura, tum Sillorum tres libros conscripsit, contumeliosum & petulans poematis genus; in quibus, ut Scepticum hominem decuit, philosophos omnes qui certi aliquid ponebant quod tuerentur, veteris comœdiæ licentiam imitatus, probris & maledictis vexavit: Hecataeus Abderites, Eurylochus, Nausiphanes Tejus, quem ab Epicuro auditum ferunt, & alii nonnulli. Pyrrhonis autem sectatores (1) appellati sunt etiam *Sceptici* ὅτι τὸ σκεπτικῶς, a *considerando*, unde σκέψις, *consideratio*, quod nullum considerandi finem facerent, & nihil statuerent: nec non *Ephectici*, ὁρῶντες τὸ ἐπὶ τῶν ἀληθειῶν ὅτι ἀσφαλές, & δογματίζοντες αὐτὴν ἀναπόδυντα, ut placet Suidæ: i. e. a *retinendo assensu de rebus, docendoque, eas comprehendi non posse*: item *Zetetici*, ὅτι τὸ ζητεῖν, a *quærendo* (&) *investigando*, unde ζήτησις, ζήτημα, *quæstio*; quod semper quærerent, sine ulla veri inveniendi spe: denique *Aporetici*, ὅτι τὸ ἀπὸ παντὸς ἀπορεῖν; quod scilicet *de omni re dubitarent*. (2) Cum vero Pyrrhonis discipuli e vita excessissent, ejus disciplina diutius abjecta & intermissa jacuit, donec illam Ptolemæus Cyrenæus, a mortuis, ut ita dixerim, excitaret. Hujus auditores fuerunt

(1) *Appellati sunt etiam Sceptici*] Vide Sex. Empiricum Pyrrhon. hypotyp. lib. 1. cap. 3.

(2) *Cum vero*] Diogenes Laertius lib. 9. in vita Timonis.

runt Dioscorides Cyprius, Niolochus Rhodius, Euphranor Seleucensis, & Praylus e Troade. Euphranorem porro Eubulus Alexandrinus audi- vit: ab hoc institutus est Ptolemæus Alexandri- nus, cujus e schola Sarpedon & Heraclides pro- dierunt. Heraclidis Ænesidemus Gnossius disci- pulus fuit, plurium librorum auctor, qui ad Pyrrhonis doctrinam illustrandam pertinebant. (1) Hic, e Scepticorum præceptis non modo ἀφασία, & ἀπραξία, i. e. *abstinentiam ab affirmando*, & *vacuitatem perturbationis*, ut olim Timon, verum etiam ἡδονή, *voluptatem* plane consequi, ajebat. Ænesidemum præceptorem habuit Zeuxippus Po- lites, hunc Zeuxis ὁ γυναικώδης, ita dictus quod stra- bo esset, Zeuxin Antiochus Laodicensis. Antio- chi auditores fuerunt Menodotus Nicomediæ natus, medicus Empiricus, & Theodes Laodi- censis. Menodotus instituit Herodotum Tarsen- sem: Herodoto magistro usus est Sextus Em- piricus, quo auctore etiam hac nostra ætate cir- cumferuntur *συνῆμψαν ὑποτυπώσεις*, ἢ *συνεπικῶν ὑπομνημάτων βί- βλια τρία*, *Pyrrhoniani Compendii*, sive *Institutionum Scepticarum*, *libri tres*: præterea, *πρὸς τοὺς μαθηματικούς ἀ- τρήτητοι λόγοι δέκα*, *adversus Mathematicos*, nempe di- sciplinarum doctores, *libri decem*. Postremo, Sexti auditor fuit Saturninus Cytheneus, & ipse Em- piricus. Ceterum, Pyrrhonis, quemadmodum & Aristonis, & Herilli de virtute sententiam, suo

(1) Hic, e Scepticorum præceptis] Testis Eusebius lib. 14. Præpa- rat. Evangelicæ.

tempore jam pridem explosam fuisse, testatur Cicero lib. 1. de Officiis; quod rerum nullum dilectum reliquissent, ut ad officii inventionem aditus esset. (1) Ætate demum Juliani Imperatoris Pyrrhoniam disciplinam obsoletam, & oblivione pæne sepultam fuisse, tum Pyrrhonorum plerisque libros intercidisse, ex fragmento quodam operis ipsius Juliani satis constat.

Duas autem gravissimas causas Academici & Sceptici habuere, quamobrem certam absolutamque scientiam e medio tollerent: sensuum (2) cum externorum tum intimorum infirmitatem, ac rerum ipsarum cognoscendarum obscuritatem. Cum enim Veritas nihil aliud sit, quam convenientia rei perceptæ cum judicio mentis percipientis; multa propterea sunt quæ cognitionem dubiam atque incertam faciant. Ac primum omnium, ad veritatem obtinendam, scire nos porteret, species aut imagines corporum extrinsecus advenientes, (3) si tamen ullæ sunt hujusmodi

(1) Idem lib. 3. de Finibus: *Quæ adhuc, Cato, a te dicta sunt, eadem, inquam, dicere posses, si sequerere Pyrrhonem, aut Aristonem* - - - - - *Hos ne igitur laudas, & hanc eorum sententiam sequi nos censet oportere? Minime vero istorum quidem, inquit. Cum enim virtutis hoc proprium sit, earum rerum quæ secundum naturam sint, habere dilectum; qui omnia sic exæquaverunt, ut in utramque partem ita paria redderent, uti nulla selectione uterentur, virtutem ipsam sustulerunt. Loquitur apud Ciceronem Cato, Stoicorum præceptis additus.*

(2) *Sensuum cum externorum &c.*] Ob hæc duas causas, & ipse Aristoteles lib. 2. Metaphysic. cap. 1. fassus est, difficilem admodum esse adeptionem veritatis.

(3) *Si tamen ulla sunt hujusmodi imagines*] Rerum simulacra non solum esse, verum etiam corporea esse, ac de corporum superficie abra-

modi imagines) (1) omnino similes esse corporibus unde prodeunt. Deinde nobis exploratum esse deberet, aerem, vel aliud corpus interjectum, per quod rerum simulacra transeunt, nihil iisdem officere, quominus inviolata & integra ad sensus ipsos perferantur. Tum certo sciendum esset, a sensibus, postquam imagine rei commoti atque excitati fuerint, fidem omnino servatam, eaque in cerebro, ministerio nervorum, vestigia impressa fuisse, quæ rei speciem accurate in ipso describant. Neque minus cerebri fidem manifestam & perceptam esse oporteret, dum ab eo mens admonetur. Postremo illud vel maxime constare deberet, mentem a cerebro admonitam, certam & stabilem de re objecta sententiam tulisse. Hæc autem omnia ita comparata sunt, ut nullo studio, nulla industria philosophus quantumvis acutus argumenta invenire possit quibus eorum veritatem ostendat.

Neque enim rerum imagines rebus ipsis omnino similes esse contingit; quis enim dixerit, simulacrum Arboris (ut hoc potissimum exemplo

abrasa per totum orbem volitare, pluribus disputat Lucretius lib. 4.

(1) *Omnino similes esse corporibus unde prodeunt*] Sex. Empiricus lib. 1. cap. 7. Πυρρ. hypotyp. ἀντίφ. ὅ ὁ ἀνθρώπ. μὲν Σωκράτην, ἀνθρώπ. δὲ τὴν διασάμψον, ὡς οἶδεν αἱ ἡμοῖα ἴσιν ἡ εἰναι τῶν Σωκράτην ὅμοιόν τι τῆς διασάμψον, καὶ οἶδεν αἱ ἡμοῖα ἴσιν ἡ εἰναι τῶν Σωκράτην ὅμοιόν τι τῆς διασάμψον, καὶ οἶδεν αἱ ἡμοῖα ἴσιν ἡ εἰναι τῶν Σωκράτην ὅμοιόν τι τῆς διασάμψον. i. e. Quemadmodum enim qui ignorat quidem Socratem, sed ejus imaginem conspexit, nescit an similis sit imago Socrati: sic & intellectus passionum quidem sensuum subspectans, externa autem non intuens, ne hoc quidem sciet, an passionum sensuum externis subjectis similes sint.



plo utamur) nihil omnino ab Arbore ipsa , quam exprimit , discrepare ? Arbor profecto videri ac manibus tangi potest , solida est , neque loco movetur : contra , simulacrum Arboris aciem oculorum fugit , ac tactum respuit , cum tenuissimum sit , maximeque fluxum , ac mobile . Demus tamen , posse rerum naturas , hujusmodi imaginibus penitus declarari ; nonne corpus quod inter sensum ac rem objectam positum est , varias mutationes accipere solet ? Non alia certe caussa est , cur earumdem rerum colores , alii nobis vesperi , alii sub meridiem videantur : & cur olim purpura Tyria (quod testatur (1) Julius Pollux in Onomastico) Solis radiis exposita , hilarius effloresceret , in umbra vero nitorem prorsus amitteret . Mare item , si longe spectetur , adventu diei purpurascit , tempestate ingruente nigrescit , plerumque cæruleum apparet . Eodem pacto , pro vario lucis appulsu , item pro diverso oculi positu , atque aspectu , mutari solent colores in opalo gemma , in collis columbarum , in bullis quas pueri excitant ex aqua saponi admixta , in segetibus vento fluitantibus , in agro pisis confito , nunc secundum longitudinem , nunc oblique spectato , in sericis denique villosis : quæ res omnes a Latinis propter-

(1) Julius Pollux lib. 1. Onomastici cap. 4. χαίρει δ, inquit , ἡ λίη ὁμιλεῖσα τὴν πορφύραν ἢ βαφὴν . ἢ ἡ αὐτὴς αὐτῷ ἀναπυροῦσθαι , ἢ πλείον ποιεῖν ἢ φαιδρύνειν τὸν αὐγῶν , ἐκφωτισμένῳ ἐκ τοῦ αὐτοῦ πυρός . i. e. Tinctura vero purpura Solem amat ; etenim hujus illustrata radiis majorem latioremq; splendorem purpureo colore coruscantem a superno igne concipit .

(XXIII)

pterea *versicolores* appellantur. Sexcenta sunt alia generis ejusdem.

Quod ad sensum attinet, est quidem sensus affectio, qua inviti commovemur, atque, ut Pyrrhonii loquuntur, *πάθος αἰσθητικόν*; organa vero sensuum nullum judicium de rebus exercent, neque in ipsis veritas, aut falsitas locum habere potest: tantummodo rerum imagines accipiunt, & quid sibi appareat, summa fide menti exponunt: quemadmodum vero varias notiones (1) componere atque dividere, ita judicare solius mentis officium est. Quapropter sensus quilibet cum Sceptico philosopho non inepte comparari potest, qui, ut ait Sex. Empiricus Pyrrhôn. hypotyp. lib. 1. cap. 7. τὸ ἰαυτῷ φανερῶσαι λέγει, & τὸ πᾶθος ἀπαγγέλλει τὸ ἰαυτῷ ἀντιθέσθαι, μηδὲν αὐτῷ ἔξωθεν ὑποκρινόμενον ἡθελοβαλλόμενον. i. e. *quid sibi videatur, dicit, & affectionem quam sentit, annuntiat, sine ulla prorsus opinione; nihil de iis qua extra sunt rebus affirmans.* Cum igitur sensuum, testimonium sit, non judicium, age vero, quam illud testimonium sit stabile, consideremus. Profecto, sensus ne in uno quidem homine semper eosdem invenimus, nedum in pluribus, Non idem est visus in juvene atque in senes: (2) non eadem utrique jucunda & molesta sunt. *Lurida sunt, quacumque tuentur arquati,*
ut

(1) *Componere atque dividere*] Vide Aristotelem *Metaphysicorum* lib. 6. cap. 3. & lib. 9. cap. 13.

(2) *Horatius* Epist. 1. lib. 1. v. 4. *Non eadem est aetas, non mens,*
Por-

ut ait Lucretius lib. 4. v. 333. nempe morbus immutat aspectum. (1) Formosæ videntur amatoribus eæ mulieres quæ insigni aliquo corporis vicio laborant. Amor scilicet loliginem oculis offundit. In pluribus autem hominibus quanta membrorum varietas est, quibus ad sentiendum utuntur! norunt id medici, qui ea dissecata & aperta viderunt. Ex quo efficitur, sensuum quoque ipsorum dissimilitudinem quamdam esse. Nihil igitur mirum, si ea quæ in omnium aspectum incurrunt, diversa tamen singulis haud raro videantur: ut propterea necesse sit, ipsorum experimentorum fidem, quæ firmissima & certissima esse deberet, interdum labare. Audite, quæso, Senecam Naturalium Quaestionum lib. 7. cap. 11. *Illo ipso tempore, inquit, quo (cometæ) apparent, inter spectantes de habitu illorum non convenit: sed prout cuique acrior acies aut hebetior, ita dicit aut lucidiorem esse, aut rubicundiorum, & crines aut in interiora deductos, aut in latera divisos.* Porro, quemadmodum difficile invenias duos tantum homines eadem omnino facie,

Cur autem senes præterita temporâ mirentur; & laudibus extollant; præsentia vero despiciant, atque accusent, copiose ac eleganter ostendit Balthassar Castilioneus initio libri 2. de Aulico: quem locum si quis legerit, operæ pretium faciet; plurima enim pulcherrima, & huc spectantia continet.

(1) *Formosæ videntur*] Lucretium consule sub finem libri quarti, & Horatium Sat. 3. lib. 1. v. 38. Ideo servus ille apud Terentium Eunuchio A. 2. Sc. 1. v. 19. sic exclamat: *Dii boni, quid hoc morbi est? adeo homines immutari ex amore, ut non cognoscas eundem esse?*

cie, iisdem omnino oris lineamentis, cujusmodi erant Menæchmi illi Plautini, (1)

Ita forma simili pueri, uti mater sua

Non internosce posset, qua mammam dabat,

Neque adeo mater ipsa, qua illos pepererat;

quod si aliquando forte contigerit, in prodigiis habetur; sic evenire vix potest, ut in uno atque altero homine par omnino sit oculorum, aurium, viscerum, ac præcipue cerebri conformatio. Quod quidem cerebrum, arx illa mentis, cogitationumque officina, varios magnitudinis modos obtinet; pro figura scilicet, atque ambitu capitis, in quo continetur. Plurimi autem refert, humani animi quali in domicilio locati sint: nec parum sane momenti habet ad ingenii bonitatem, rationis perfectionem, vimque memoriarum ipsa corporis, & singulorum viscerum temperatio. E sensuum igitur, ac (2) cerebri varietate miram judiciorum discrepantiam existere necesse est: unde tritum illud vulgi sermone proverbium, *Quot capita, tot sententia.* (3)

Tandem animus hominis, qui sensibus utitur, tamquam nuntiis rerum, atque interpretibus:

D

& ad

(1) Plautus prologo Menæchmorum; v. 19. Contra M. Tullius in Lucullo, *Fac enim, inquit, antiquos illos Servilios, qui gemini fuerunt, tam similes quam dicuntur: num censet etiam eosdem fuisse? non cognoscebantur foris; at domi: non ab alienis; at a suis.*

(2) *Ac cerebri varietate*] Vide Galenum *ῥίχνης ἰατρικῆς*, sive *Artis Medicæ*, cap. 12. & sequentibus.

(3) Inter hominem & hominem differre plurimum, copiose disputat Sex. Empiricus Pyrrhon. hypotyp. lib. 1. cap. 14. *ὅτι ἀλλήλων ἰσχυρῶς ἑτέροις.*

& ad quem demum pertinet veri falsique judicium: quomodo exploratum habebit, se illorum testimonio haudquaquam circumveniri, aut in errorem induci? quomodo cognoscet, rem sibi sicuti est, enarrari? cum ipse sui naturam ignoret, neque scire possit, quibus vinculis cum corpore conjungatur, qua ratione ad ejus motum moveatur, & utrum e rerum imaginibus sibi extrinsecus oblatis veritatem ipsi colligere liceat, necne. Cum igitur humani animi natura penitus abstrusa sit, ignotæ, quæ naturam consequuntur, proprietates, (1) jam veri & falsi regula nulla esse videtur, ad quam judicia rerum dirigantur: adeoque omnia philosophorum de rebus obscuris decreta, ejusmodi fere sunt, ut everti disputatione possint.

Haëtenus de sensuum atque intellectus infirmitate dictum est: nunc de rerum cognoscendarum obscuritate paucis agamus. Itaque si res ipsas considerare aggrediamur, inveniemus, duabus potissimum de causis, ad intimam earum cognitionem nobis præclusum esse aditum: nimirum quod continenter labantur, & fluant omnia, neque quicquam sit in universo, quod vel minimo temporis puncto eundem omnino statum retineat: deinde quia nihil sciri plene ac perfecte potest, quin una sciantur reliqua omnia. Ac Heraclitus quidem rerum inconstantiam & mu-

(1) *Jam veri & falsi regula &c.*] Vide Sex. Empiric. lib. 2. cap. 5. sæpius memorati operis.

(XXVII)

mutabilitatem sapienter flumini comparabat: aje-
bat enim, qui bis idem flumen intraverit, um-
quam inventum esse neminem: quod videlicet
prioribus aquis transeuntibus novæ semper adve-
niant. ita prorsus accidere, ut cum quis ad rem
aliquam cognoscendam animum appellit, ea
protinus in aliam faciem se convertat; neque
propterea ullum comprehensioni locum relinqui.
Corpora enim omnia e quibus rerum natura
constat, vel moveri & mutari pergunt, vel
quamquam interdum quiescere videantur, nihi-
lominus occulta quadam vi ad motum & mu-
tationem nituntur. Propterea Plato in eo dialo-
go quem Cratylum inscripsit, rerum labentium
caducarumque naturas intueri propius, atque
comprehendere, non humanæ imbecillitatis, at
divinæ cujusdam esse sapientiæ, his verbis signi-
ficat: Φησὶ γὰρ ἡ δὲ, πολλοὶ μὲν ἐκ τούτου φοβέσθαι τὸ ὄνομα

ὡς ἀπηνείας (ὡς ἰσχυρῶς) ὀνομάσθαι ἐρρότουν. ἐπεὶ γὰρ μεταβάλλοντες στα-
πύνται καὶ ἀναισθητοὶ, καὶ διὰ τὸ αὐτοὺς φαίνεται. τὸ δὲ μὲν οὖν σοφῶς οἶται καὶ
θεῖον. αἱ γὰρ φησὶ μὲν ὅτι ἀγαθὰ, τὸ ἐκαστὸν μὲν καὶ ἐκαστὸν, καὶ διὰ
μὲν ἐκαστὸν καλεῖται, σοφία αὖ οἷον. Φησὶ γὰρ ὅτι, ἐπεὶ τὸν σοφῶς καὶ τὸν ἐκ-
αστὸν τὸ φησὶ μὲν, ἡ θεὸς αὖ ἐρῶς καλεῖται, ἢ τοῦτον τι. διὸ ὅτι ἐπεὶ ἐκαστὸν
αὐτῇ ὁ ἄδης σοφῶς αὖ, διότι τοιαῦτα ἐστὶ. καὶ δὲ ἐκαστὸν τὸ ὄνομα, ἐ-
καστὸν αὖ πλείονος τοιαῦτα ποιεῖται, ὡς ἐκαστὸν αὐτῶν καλεῖται.

i. e. Pherephatta nomine complures terren-
tur: recte sane nominum imponendorum rationis impe-
ritia. nam mutato nomine, Persephones vocem spe-
ctant, ac proinde formidabile videtur illis superius il-
lud vocabulum. id autem significat, deam illam esse

sapientem . quandoquidem illud sapientia nomine censebitur quod in tanta rerum ultro citroque commeantium vicissitudine , res contingat & palpet , illasque solide comprehendat atque assequatur (idest περιρῶν ὅραμας τὸ ἐπαρῶν ἐν ἰσχυρί .) Dea igitur illa recte vocaretur Φερέπαρα , aut quid simile , propter illam τὸ ἐπαρῶν τὸ περιρῶν , i. e. comprehensionem rerum qua fluunt , atque mutantur ; qua quidem sapientia vi atque efficacia existit . Itaque Orcus , qui sapiens est , cum illa qua hujusmodi est , consuescit . Nunc vero nominis appellationem paullulum declinant atque insistent , elegantis & venustae pronuntiationis rationem habentes magis , quam veritatis , & Φερήπαρα ipsam vocant . Claudius quoque Ptolemæus , vir summus , lib. 1. cap. 1. μαθηματικῆς σωτηρίας , rerum in quarum investigatione Physici versantur , obscuritatem ingenue confessus est . Cum enim , Aristotelem secutus , τρία θεωρητικῶν , tria genera contemplativæ doctrina posuisset , physicum , mathematicum , metaphysicum , quod ipse θεωρητικὸν appellat : horum duo , nempe metaphysicum & physicum , ait esse potius εἰκασίαν ἢ κατὰ λαβὴν θεωρητικὸν , conjecturam , quam comprehensionem qua scientiam efficiat : metaphysicum quidem , ὅτι τὸ παντὶ ὄντι ἀπὸς αὐτοῦ , & ἀντίπαλον , propter ipsius omnino latentem , (1) intaetilemque naturam : physicum vero ὅτι τὸ ἐν αἰθέρι ἄστατον & ἀδύνατον , propter materiae instabilitatem , & obscuritatem . ὅς ὅτι τὸν , μηδὲποτε αὐτὸ ἰστίσαι , ἀλλ' αὐτῷ ὁμοῦναι τὸν

φίλο-

(1) Intaetilemque] Usus est hac voce Lucretius lib. 1. v. 438.

Sin intaetile erit , nulla de parte quod ullam

Rem prohibere queat per se transire meantem :

Scilicet hoc id erit vacuum , quod inane vocamus .

(XXIX)

φαιδραῖος, ut propterea numquam sperare liceat, philosophos de his ullo tempore consensuros. Et hanc esse causam crediderim, cur Isaacus Nevvtonus, recentiorum geometrarum facile princeps, Philosophiæ Naturalis Principiorum Mathematicorum lib. 3. in Scholio generali Proposit. XLII. hæc de rerum substantia affirmare non dubitaverit: *Quid sit rei alicujus substantia, minime cognoscimus. Videmus tantum corporum figuras & colores, audimus tantum sonos, tangimus tantum superficies externas, olfacimus odores solos, & gustamus sapes: intimas substantias nullo sensu, nulla actione reflexa cognoscimus.* (1)

Quis porro ullius rei cognitionem plenam atque

(1) Quod idem luculentis admodum verbis olim pronuntiare non dubitaverat Petrus Gassendus Exercitationum Paradoxicarum adversus Aristoteleos lib. 2. Exercitat. 6. Igitur, inquit, paucis ad hæc respondere sic possumus. Primum non videri illos esse naturæ injuriosos, qui ut natura nihil detrahunt, sic plusquam par est, non adjiciunt (par enim injuria videtur, & dicere quod non sis, & non dicere quod sis): ac qui proinde concedunt indidisse quidem naturam omnibus hominibus sciendi desiderium; ac non tamen sciendi vel omni modo, vel omnia. Hinc quamdiu desiderant homines omnes scire plurima, & per experientiam, & quatenus illa apparent, verum est, quod natura duce illa scire desiderant: ac statim ac præterea volunt, & naturas intimas, & causas necessarias scire, jam hoc scientia genus est quod naturam angelicam, vel etiam divinam attingat, nec homunciones deceat; quocirca & hoc desiderium dici non potest esse a natura. Videlicet omnes homines pari modo desiderant immortalitatem: ac quis censet, hoc desiderium inditum esse a natura, per quam potius statutum est omnibus hominibus semel mori? Quare ut quoniam, quantumcumque velint homines numquam mori, ex eo tamen quod nullus sit qui assequatur immortalitatem, colligimus, tale desiderium minime esse naturale; sic colligere possumus, quoniam nullus hominum est qui minima rei naturam introspectam habeat, desiderium naturæ non esse, quo perspectam habere peroptet.

que perfectam sibi assumere audeat, (1) priusquam rerum multitudinem pæne infinitam, quæ hac universitate continentur, animo & cogitatione percurrerit? quæ inter se connexæ adeo & colligatæ sunt, ut, nisi omnibus plane perceptis, neque unam percipere atque intelligere possis. Quod si rerum singularum cognitio difficilis habetur, quanto magis omnium? hoc certe humani ingenii modum excedit. (2) Fingamus, aliquem intelligere velle, quæ sit hominis natura; quomodo is ex animo & corpore constet; quid in eo appetitus a ratione distet: huic profecto

optet. Deinde vero & illud dari consequenter potest, esse causas scientiæ, at scientiæ tamen experimentalis, & ut sic dicam, apparentialis; siquidem intellectus noster scit, cognoscitque experiundo multa apparentia. Hæc omnia Gassendus ex Pyrrhonorum fontibus derivavit. Eam scilicet Physicæ partem quæ appellatur *ισοεικὴ*, tantummodo probare, alteram vero, cui nomen est *αἰτιολογική*, vel *κοσμική*, tamquam minus utilem, contemnere ac repudiare videtur. Nos a tanto viro non plane dissentimus; nam si verum fateri volumus, legitima & non fucata Philosophia nihil aliud est quam accurata observatio & collectio τῶν *παυροπαισίων*, sive Historia Naturalis, cujus ope caute ac pedetentim leges naturæ investigamus atque venamur; non ultimas & remotissimas rerum causas persecuti, sed sensibus nostris propiores, quas imbecillitati humanæ solas attingere licet.

(1) Priusquam rerum multitudinem] Cicero Tuscul. Quæst. lib. 2. Difficile est in philosophia pauca esse ei nota, cui non sint aut pleraque, aut omnia.

(2) Fingamus, &c.] Minutius Felix in Octavio, Editionis Lugd. Batav. 1652. pag. 15. Nec recuso, inquit, quod Cecilius asserere inter præcipua connisus est, hominem nosse se, & circumspicere debere, quid sit, unde sit, quare sit; utrum elementis concretus, an concinnatus atomis, an potius a Deo factus, formatus, animatus. Quod ipsum explorare & eruere sine universitatis inquisitione non possumus, cum ita coheræntia, connexa, concatenata sint, ut nisi divinitatis rationem diligenter excuseris, nescias humanitatis; nec possis pulchre gerere rem civilem, nisi cognoveris hanc communem omnium mundi civitatem.

fecto nota debet esse animi, corporis, rationis, atque appetitus natura. Cum vero corpus hominis ex elementis concretum sit, danda opera est, ut elementa ipsa cognoscantur. Sumatur ergo ab igne quæstionis initium. Confutendi sunt veteres ac recentiores philosophi, eorumque opiniones de ignis natura diligenter perpendendæ, atque aliæ cum aliis comparandæ. Ecce tibi Cartesius, ad quem philosophiæ dictaturam plerique hoc tempore deferunt. Interroga illum, quid sit ignis: non ante doctum a se dimittet, quam commentum illud suum de universi constitutione explicaverit, difficile sane ac longis ambagibus impeditum. Cave tamen ne homini fidem temere adjungas: nam & reliquos philosophos adire oportet, eorumque sententiis probe cognitis, quæ omnium verissima sit, demum judicare. Ad quod recte faciendum, primorum principiorum, communisque materiæ notitia necessaria est: quæ res in abdito latent, ac deinceps latebunt. Iisdem porro difficultatibus, trium, quæ supersunt, elementorum natura obsepta est.

Quæ cum exquisiveris, humani corporis fabrica tibi consideranda erit: in qua re cum viri sollertes ac laboriosi plurimi, in hoc præcipue Gymnasio Patavino, ad hanc diem summa cum laude versati fuerint, ea nondum ad exitum perducta est. Neque vero aliquis vestrum existimaverit, Auditores, de corpore vi-

ven-

ventis hominis eum recte judicare posse qui totam humanorum cadaverum Anatomem perdidicerit, nisi plures alias calluerit disciplinas; meminisse enim vos oportet illorum M. Tullii verborum, ex Acad. Quæst. lib. 4. *Corpora nostra non novimus: qui sint situs partium, quam vim quæque pars habeat ignoramus. Itaque medici ipsi, quorum intererat ea nosse, aperuerunt, ut ea viderent: nec eo tamen ajunt Empirici notiora esse illa, quia (1) possit fieri ut patefacta & detecta mutantur.* Sileo nunc de singularum partium usu, & de infinitis quæstionibus ad generationem, vitam, & mortem hominis pertinentibus. Missas item facio subtiles atque involutas de Animæ natura, proprietatibus, ac præcipue immortalitate disputationes: quæ omnia scitu difficillima ei nihilominus cognoscenda sunt, qui se, quid sit homo, intelligere postulet. Quemadmodum vero naturam hominis plane ignoramus, ita si affirmemus, cetera omnia a nobis nesciri, mendaces fortasse non erimus. (2) In omni enim quæstione cum aliquantum processimus, ad incognitum aliquod & ἀναιδανόν pedem offendimus. Et sunt hodie qui sententiis antiquorum evertendis atque exhibendis gloriam, & sapientis nomen aucupentur: qui albis dentibus rideant occultas qualitates, tutissi-

mum

(1) *Possit fieri ut patefacta & detecta mutantur*] Cornelius Celsus in Præfatione, ubi de Empiricorum secta: *Neque quicquam esse stultius, quam quale quid vivo homine est, tale existimare esse moriente, immo jam mortuo.*

(2) *In omni enim quæstione*] Vide Danielis Georgii Morhofii Polyhistoris Litterarii libri 1. caput 12.

(XXXIII)

inum scilicet, ut vocant, ignorantiae perfugium : quasi vero ipsi tanto conatu, tantoque fastidio aut meliora, aut veriora protulerint! Naturam quidem ipsam e particulis corporum tenuissimis, rotundis, oblongis, ramosis, acutis, obtusis, aliarumque figurarum assidue venanutr, in quas corpora dissolvunt : confidunt *microscopiis*, & aliis inventis, quibus oculorum infirmitati subsidio eunt : sed num iccirco sapientiores fiunt, cum rerum inter se permixtionis modum ignorent? Propior tamen est sensibus nostris rerum permixtio, quam exiguae earumdem particulæ. Hæc vero præcipuum naturæ opus est : hæc ejus adytum, latibulum, cubile; sed quo propius, hoc difficilius inventu. Huic divinum illud subest, illud *ὑπερνοητόν*, quo impellente, movente, agitante, jungente, miscente formantur corpora. Hoc igitur nondum percepto, omnia ignorari necesse est. Profecto id quod in unoquoque femine agendi vim habet, nonnisi intellectus conjectura attingi potest: nam quæ oculis videmus, manibusque tractamus, ad corporum compositionem vix quicquam conducunt. Ceterum, (1) philosophi qui *scientiam* definiverunt, *rei cognitionem*

E

nem

(1) Philosophi qui *scientiam* definiverunt] Aristoteles Poster. Analytic. lib. 1. cap. 2. *ἡ ἀληθεία ὅτι οἰόμεθα ἵνα εἴπω ἀπὸ τοῦ ἀληθοῦς, ἀλλὰ μὴ τὸ σφαιρικόν ἔστιν, ἢ κατὰ συμβεβηκός, ὅτι καὶ τ' αἰτίας οἰόμεθα γινώσκοντες, δι' ὃν τὸ ἀπ᾽ αὐτῶν ἐστίν, ὅτι ἐκείνη αἰτία ἐστὶ, ἢ μὴ ἐπιδέχεται τῷ ἄλλῳ ἔχειν.* i. e. Scire autem putamus unamquamque rem simpliciter, non sophisticomodo, id est ex accidenti, cum putamus causam cognoscere, propter quam res est, ejus rei causam esse, nec posse eam aliter se habere. Idem

nem per causſam, videntur nos admonere voluiſſe, vix homini datum ſcientiam adipiſci; cum rerum cauſæ & obſcuriſſimæ ſint, & prope innumerabiles.

Hæc fere ſunt, Auditores, quæ Academicos, maxime e ſchola Arceſilai, & Scepticos olim eo adduxerunt, ut nihil affirmarent, de omnibus dubitarent, aſſenſumque retinerent. Quæ ſi quis copioſius aut ſubtilius exponi ſibi deſiderat, iſ M. Tullii Academicarum Quæſtionum librum qui Lucullus inſcribitur, & Sexti Empirici Pyrrhonias *ὑπερυπάρχουσας* evolvere ne gravetur. Nolite vero exiſtimare, paucis tantummodo aut contemptis philoſophis hanc dubitandi rationem placuiſſe. Nam contra, ingenii atque eruditionis principes eam omni tempore probaverunt; neque Academici ſolum & Sceptici, ſed ex aliis etiam familiis viri doctiſſimi: in quibus numerantur Anachariſis Scythes, Pherecydes Syrus, Pythagoras, (1) Empedocles, Gorgias Leontinus, Xc-

Idem lib. 1. τὸ φυσικὸν ἀπορίαις cap. 7. ὅτι ἀρχὴν ἀπείρου ὄντος ἔστι καὶ τέλος καὶ κατ' εἶδος, ἀδιακρίτως εἰδῆται καὶ ἐκ τούτων ὅτι καὶ εἰδῆται τὸ σωθῆναι ἀπὸ λαμβάνεσθαι, ὅπου εἰδῆται ἐκ τούτων ἔστι πῶς ἐστὶν. i. e. Si vero principia tam multitudine quam forma ſunt infinita, fieri non poteſt ut ea noſcantur quæ ex his conſtant. nam ita demum compoſitum noſſe exiſtimamus, cum novimus ex quibus, & quos conſtet. Præterea (quod ad rem noſtram plurimum facit) lib. 2. ejuſdem operis cap. 3. δεῖ δὲ, inquit, αὐτὸ τὸ ἀξιὸν ἵνα καὶ τὸ ἀπόδεικτον ζητῶν. i. e. Oportet autem ſemper ſummam cuiuſque rei cauſam querere.

(1) Empedocles] Operæ pretium eſt audire Ciceronem in Lucullo. Et tamen, ait, iſti phyſici raro admodum, cum hærent aliquo loco, exclamant quaſi mente incitati: Empedocles quidem, ut interdum mihi ſuavere videatur: abſtruſa eſſe omnia, nihil nos ſentire, nihil cernere, nihil omnino quale ſit, poſſe reperire.

Xenophanes , Epicharmus , Parmenides , Zeno Eleates , Anaxagoras , (1) Democritus , (2) Protagoras , Aristippus , Metrodorus Chius , Anaxarchus , M. Tullius , M. Varro doctissimus Romanorum , (3) Horatius Flaccus , Cornelius Celsus , & (4) Empirica medicorum secta , Lucianus , Megarici , Eretrici , & alii quamplurimi , quos omnes memorare longum & injucundum esset . Hos ta-

(1) *Democritus*] Contendebat hic philosophus , omnem intellectum esse animam corporis alicujus , quæ non operaretur nisi per corpus : ideoque affirmare non verebatur , intellectum esse quemdam sensum , vel quamdam *phantasia* imaginibus corporeis varias effingentem ac procudentem cogitationes : ex quo aiebat id consequi , omnia quæ videantur , ea vera esse : nullam enim esse in rebus ipsis aut veri , aut falsi notam , cum eæ diverso modo intellectui se spectandas idemdem exhiberent . Vide Aristotelem lib. 1. de Anima cap. 2. & lib. 4. Metaphysic. cap. 4. De hac Democriti doctrina ita Sex. Empiricus lib. 1. adversus Logicos num. 135. *Διμύνηται δ' ὅ ὅτι μὴ αἰσθητὴν τὴν φανόμην ταῖς αἰσθήσεσι , & τῶν λόγων μὴδὲ φαίνεσθαι κατὰ ἀλήθειαν , ἀλλὰ μόνον κατὰ δόξαν .* i. e. *Democritus autem ea quidem tollit quæ apparent sensibus : & ex iis dicit nihil vere apparere , sed solum ex opinione .* Quid porro interfit inter Democriti & Scepticorum sententiam , ostendit idem Empiricus lib. 1. Pyrrh. hypot. cap. 30.

(2) *Protagoras*] Vide Aristotelem lib. 4. Metaphysic. cap. 5. & Sex. Empiricus lib. 1. hypotyp. cap. 32. & lib. 1. adversus Logicos num. 388.

(3) *Horatius Flaccus*] Ita de se ipse Epist. 1. lib. 1. v. 13.

Ac ne forte roges , quo me duce , quo lare tuter :

Nullius addictus jurare in verba magistri ,

Quo me cumque rapit tempestas , deseror hospes .

(4) *Empirica medicorum secta*] Celsus in Præfatione Medicinæ : *Contra hi qui se ἱππνευῖς ab experientia nominant , evidentes quidem causas , ut necessarias amplectuntur : obscurarum vero causarum & naturalium actionum questionem ideo supervacaneam esse contendunt , quoniam incomprehensibilis natura sit . Non posse vero comprehendere patere ex eorum qui de his disputarunt , discordia : cum de ista re , neque inter sapientia profectores , neque inter ipsos medicos conveniat . Lege quæ sequuntur , li vacat .*

men a philosophiæ studiis, aut a rerum caussis investigandis, prudenter instituta dubitatio minime retardavit : erant enim omnes acerrimo ingenio; plerique etiam in reconditis atque interioribus litteris ætatem egerant: sed cum se a veri adeptione exclusos arbitrarentur, nihilominus mirifice gaudebant, si quid modo probabile quærendo extudissent, in quo esset aliqua veri species, aut similitudo. Cartesius quoque suarum Meditationum initio, cum qui errorem evitare studeat, jubet, omnia, etiam quæ exploratissima habentur, in dubium incertumque revocare: quamquam postea, dubitatione prorsus abjecta, & nova decreta proponat, & audacter illa defendat. Aristoteles ipse, quem opiniosissimum nonnulli falso crediderunt, nonne sæpissime inculcat suum illud *δυνή*, vel *quæritur*, idest *videatur*, *apparet*; quo verecundiam suam in disputando testetur? *Quam rationem*, ut Cicero tradit sub finem ejus dialogi quem Lucullum inscripsit, veterum etiam Romanorum *diligentia comprobavit: qui primum IVRARE EX SUI ANIMI SENTENTIA quemque voluerunt: deinde ita teneri, SI SCIENS FALLERET, quod inscientia multa versaretur in vita: tum qui testimonium diceret, VT ARBITRARI se diceret etiam quod ipse vidisset: quæque jurati iudices cognovissent, ut ea non esse facta, sed VT VIDERI, pronuntiarent.*

Tandem Divinorum Librorum auctoritas, a qua ne transversum quidem unguem pios & Chri-

(XXXVII)

Christianos philosophos discedere oportet, intellectum hominis ad operum Dei contemplationem, tamquam noctuam (ut ita dixerim) ad Solis radios, caligare affirmat: nec posse nos solius rationis præsidio vera ac falsa dijudicare, nisi majore quodam & altiore lumine divinitus perfundamur. Insignes loci sunt huc pertinentes Sapientiæ cap. 9. Ecclesiastici cap. 3. sed præsertim Ecclesiastis cap. 3. ubi Salomon ita clamat: *Vidi afflictionem quam dedit Deus filiis hominum, ut distendantur in ea. Cuncta fecit bona in tempore suo, & mundum tradidit disputationi eorum, ut non inveniat homo opus quod operatus est Deus ab initio usque ad finem.* & rursus cap. 8. *Intellexi, quod omnium operum Dei nullam possit homo invenire rationem, eorum quæ sunt sub Sole: & quanto plus laboraverit ad querendum, tanto minus inveniet: etiam si dixerit sapiens se nosse, non poterit reperire.* Hæc autem, bona cum venia illorum dicta sunt qui nollent ullam de Deo aut religione in scholis philosophorum fieri mentionem; a quibus ego vehementer dissentio.

Verum audire mihi videor aliquem e studioforum adolescentium numero, qui ex me sciscitetur, quid igitur sibi faciendum censeam: num veri inveniendi desperatione physicam abjicere debeat, & ab hujusmodi studiis omnino feriari? Ego vero huic auctor fuerim, ut (1) a doctissimis viris

(1) *A doctissimis viris quos paullo ante memoravi, exemplum sumat*] Juvat huc afferre verba M. Tullii ex eo dialogo qui Lucullus infecti-

(XXXVIII)

viris quos paullo ante memoravi, exemplum sumat; qui cum hanc sibi legem indixissent, NVLLI VISO TEMERE ASSENTIRI, tamen egregia multa in physicis præstiterunt. Probabilibus videlicet contenti erant, neque eam conclusionum firmitatem postulabant quæ in hominem profecto non cadit. Quod qui faciunt, ii non prudentia solum, sed etiam eruditione ceteris philosophis præstare solent: non enim (1) ad quamcumque sunt disciplinam quasi tempestate delati, ad eam tamquam ad saxum adhærescunt; sed Academicorum propria libertate usi, idemtidem alio commeant, ut peregrinis mercibus domos locupletent suas; quærentes in re qualibet, quid constantissime dicatur. Præterea, ut verbis utar M. Tullii, (2) *Animorum ingeniorumque naturale quoddam quasi pabulum est consideratio, contemplatioque natura. Erigimur, elatiores fieri videmur, humana despiciamus, cogitantesque supera atque celestia, hæc nostra, ut exigua & minima, contemnimus. Indagatio ipsa rerum tum maximarum, tum etiam occultissi-*

ma-
scribitur. Etsi enim, inquit, omnis cognitio multis est obstructa difficultatibus, eaque est & in ipsis rebus obscuritas, & in judiciis nostris infirmitas, ut non sine causa & doctissimi & antiquissimi invenire se posse quod cuperent, dixisset: tamen nec illi defecerunt, neque nos studium exquirendi defatigati relinquemus: neque nostræ disputationes quicquam aliud agunt, nisi ut in utramque partem dicendo, & audiendo, eliciant, & tamquam exprimant aliquid, quod aut verum sit, aut ad id quamproxime accedat. Neque inter nos, & eos qui se scire arbitrantur, quicquam interest, nisi quod illi non dubitant, quin ea vera sint quæ defendunt: nos probabilia multa habemus, quæ sequi facile, affirmare vix possumus.

(1) Cicero in eodem dialogo.

(2) Idem ibidem.

(XXXIX)

marum habet oblectationem. (1) *Si vero aliquid occurreret quod verisimile videatur, humanissima completur animus voluptate.* Quapropter (2) neque dubitationis fines eo usque proferemus, ut visa dormientium, ebriorum, & furiosorum nihil a cogitationibus vigilantium, siccorum, atque sanorum discrepare dicamus: neque contra, pro decretis nostris, aut magistrorum, tamquam pro capite aut fortunis, pugnabimus; sed bono modo, sine sudore & sanguine. Ita illud servabitur, (3) *quod apprime in vita utile est, VT NE QVID NIMIS.*

(1) *Si vero aliquid occurreret*] Petrus Gassendus Physicæ sect. 1. lib. 4. cap. 1. *Tametsi, inquit, expetita a Physicis causæ hujusmodi sint, quales huc usque descripsimus, despondendum tamen animis non est, quatenus licet attingere ad illas prorsus intimas, precipuas, propinquas, speciales, non detur; sunt tamen gradus varii inter ipsas, & alias prorsus remotas, organicas, externas, communes; ac non modo non pœnitendum, sed maxime etiam expetendum est, gradus quosdam attingere, qui ad summum illum, quantum fieri potest, proxime accedant. Incurridissimum quippe est crassiores illam caliginem, & tenebras quasi nocturnas sic excutere, depellereque ex animo, ut, nisi ipsummet veritatis jubar, quasi splendidissimum Solem, contueri nobis concedatur; at versari tamen quasi in aurora verisimilitudinis liceat; ac, nisi habeamus perspectas causas qua penitus certa indubieque sint, tales nanciscamur, qua habeant speciem aliquam probabilitatis.*

(2) *Neque dubitationis fines eo usque proferemus*] Id nonnulli faciunt hoc tempore, nimio contemplationis usu, tamquam immo-dico vini meracioris potu, extra se rapti. Eodem scilicet pacto afficiuntur quo stupidus ille olim, a Catullo ita derisus Carm. 17.

----- sed velut alnus

*In fossa Liguri jacet supernata securi,
Tantumdem omnia sentiens, quam si nulla sit usquam,
Talis iste meus stupor nil videt, nihil audit.
Ipse quis sit, utrum sit, an non sit, id quoque nescit.*

(3) Terentius Andriæ Actu 1. Sc. 1. v. 34.





P A T A V I I. C I C I C C X X X I I.
E X C U D E B A T J O S E P H U S C O M I N U S.